

## Sònrachadh airson Duais nan Sgrùdaidhean Albannach (SCQF ìre 2)

### GJ76 42

An t-eagran seo: An Dùbhlachd 2014 (dreach 1.0)

Faodar an sònrachadh seo amhlachadh gu h-iomlan no gu ìre air adhbharan foghlaim fhad is nach tig prothaid sam bith às an amhlachadh agus, ma thèid amhlachadh gu ìre, gun tèid an tùs aithneachadh. Faodar copaidhean a bharrachd den Aonad seo a luchdachadh a-nuas bho làrach-lìn ÙTA [www.sqa.org.uk](http://www.sqa.org.uk).

Faicibh an not mu atharrachaidhean aig deireadh an t-Sònrachaidh seo airson fios mu atharrachaidhean bhon tionndadh roimhe (nuair as iomchaidh).

© Ùghdarras Theisteanasan na h-Alba 2014

## Ro-ràdh

Is e seo an sònrachadh airson *Duais Eòlas na h-Alba* aig SCQF ìre 2.

Tha e a' gabhail a-steach structar na Duaise, mion-fhiosrachadh mu riatanasan measaidh agus stiùireadh air ruigheachd. Gheibhear stiùireadh a bharrachd mu liubhairt agus measadh ann an *Notaichean Taic Duais Eòlas na h-Alba (SCQF ìre 2)*.

## Co-ionannachd agus in-ghabhail

Tha an Sònrachadh Duaise seo air a dheilbh gus a dhèanamh cinnteach nach eil bacaidhean neo-riatanach sam bith gu ionnsachadh agus measadh. Bu chòir cunntas a ghabhail do fheumalachdan nan tagraichean fa leth nuair a thathar a' taghadh mhodhan measaidh no a' beachdachadh air fianais eile, cunbhalach do ghleidheadh ionracas an teisteanais.

## Reusanachadh

Tha a bhith ag ionnsachadh mu Alba – a thaobh a muinntir, cànanan, (mar eisimpleir Albais agus Gàidhlig), comann-sòisealta, cultar, àrainneachd nàdarra no thogte, agus dualchas – a' solarachadh mòran chothroman do luchd-ionnsachaidh gu an sgilean, eòlas agus an tuigse a leasachadh, agus ceanglaichean a dhèanamh tarsainn a' churraicealaim. Tha seo mar thoradh air gu bheil Alba agus a muinntir air cur agus a' leantainn a' cur ri mòran diofar raointean leithid, mar eisimpleir, litreachas agus cànan, na h-ealain, meadhanan agus an àrainneachd.

Tha frèam leathan agus shùbailte aig *Duais Eòlas na h-Alba* aig SCQF ìre 2, oir tha taghadh de raointean cuspaireil a dh'fhaodar ionnsachadh ann an co-theacs Albannach. Ann an cumantas le Duaisean uile, tha e a' nochdadh luachan, adhbharan agus prionnsapalan a' Churraicealam airson Sàr-mhathais. Tha e a' tairgsinn sùbailteachd, a' ceadachadh ùine airson ionnsachadh agus meòrachadh, a' cuimseachadh air leasachadh sgilean agus cur an gnìomh ionnsachaidh, agus a' solarachadh cothrom airson pearsanachadh agus roghainn.

### Adhbhar agus Amasan na Duaise

Is e adhbhar na Duaise seo, cead a thoirt do luchd-ionnsachaidh faighinn a-mach mu Alba fhad 's a tha iad a' leasachadh sgilean, eòlas agus tuigse a tha buntainneach do na raointean cuspaireil a tha air an taghadh. Tha roghainn de dh'Aonadan ann, bho thaghadh de raointean cuspaireil a dh'fhaodas iad ionnsachadh ann an co-theacs Albannach.

Is e prìomh amasan na Duaise, cothrom a thoirt do luchd-ionnsachaidh:

- ◆ sgilean, eòlas agus tuigse a leasachadh, le taic, ann an diofar raointean cuspaireil
- ◆ ceanglaichean a dhèanamh tarsainn nan raointean sin le bhith gan ionnsachadh ann an co-theacs Albannach
- ◆ ionnsachadh mu thaobh taghte de dh'Alba
- ◆ an sgilean smaoineachaidh agus conaltraidh a leasachadh, le taic

## Buidhnean-targaid

Bu chòir don Duais seo a bhith buntainneach do luchd-ionnsachaidh ag obair aig SCQF ìre 2, aig a bheil ùidh ann an ionnsachadh mu dheidhinn Alba, a muinntir, cànanan, comann-sòisealta, cultar, agus/no dualchas nàdarra.

Dh'fhaodadh gum faigh daoine òga agus luchd-ionnsachaidh inbheach a tha ag ionnsachadh ann an Alba – ann an sgoiltean, colaistean foghlaim adhartach no suidheachaidhean ionnsachadh is leasachadh coimhearsnachd – an Duais seo gu h-àraid inntinneach. Solaraidhidh e cothroman dhaibh ionnsachadh mun chomann-sòisealta sa bheil iad beò. Solaraidhidh seo an uair sin, cothroman air am faireachdainn den dearbh-aithne fhèin a leasachadh mar luchd-còmhnaidh na h-Alba. Leasaichidh iad cuideachd sgilean buntainneach, eòlas agus tuigse anns na raointean cuspaireil a thagh iad.

## Inntrigeadh air a mholadh

Tha inntrigeadh an urra ris an ionad.

A thaobh eòlais agus ionnsachadh ro-làimh, dh'fhaodadh eòlasan agus builean buntainneach air bunait fhreagarrach a sholarachadh airson na Duaise seo.

## Adhartas

Faodaidh an Duais seo no a cuid Aonadan adhartas a sholarachadh do:

- ◆ Duais Eòlas na h-Alba aig SCQF ìre 3
- ◆ Measgachadh de Chùrsaichean, Duaisean no Aonadan aig SCQF ìre 3, a rèir nan raointean cuspaireil sònraichte a chaidh a thaghadh mar phàirt den Duais seo
- ◆ Duaisean, Cùrsaichean no Aonadan eile aig SCQF ìre 2
- ◆ Ionnsachadh a bharrachd, cosnadh no trèanadh

## Structar na Duaise

Tha na h-Aonadan uile san Duais seo aig SCQF ìre 2 agus feumaidh luchd-ionnsachaidh iomlan de **thrì** Aonadan a chrìochnachadh.

Feumaidh luchd-ionnsachaidh an Aonad àithnteil *Eòlas na h-Alba: Ag Ionnsachadh mu Alba (SCQF ìre 2)* a chrìochnachadh. Feumaidh iad **dà** Aonad roghnach a chrìochnachadh, aon às gach aon de dhà de na Buidhnean a leanas:

<b>Buidheann 1</b>	Cànan agus Litreachas
<b>Buidheann 2</b>	Comann-sòisealta agus Àrainneachd
<b>Buidheann 3</b>	Ealain agus Cultar

Tha àireamh de dh'Aonadan an taobh a-staigh gach aon de na buidhnean sin. Ge 'r bith dè na h-Aonadan a thèid a thaghadh, feumaidh iad a bhith air an liubhairt **agus** air am measadh ann an co-theacs Albannach. Tha tuilleadh stiùiridh air cleachdadh cho-theacsan Albannach ri fhaighinn anns na *Notaichean Taic* don Duais seo. Tha mion-fhiosrachadh mu na raointean cuspaireil agus na h-Aonadan an taobh a-staigh gach buidheann ri fhaighinn anns am *Frèam Dhuaisean* gu h-ìosal.

## Frèam na Duaise

### Aonad Èigneachail

Còd Aonaid	Tìotal an Aonaid	Puingean creideis SCQF	Ìre SCQF
H78Y 42	Eòlas na h-Alba: Ag Ionnsachadh mu Alba (SCQF ìre 2)	6	2

### Aonadan Roghnach

Feumaidh luchd-ionnsachaidh **dà** Aonad roghnach a chrìochnachadh, aon às gach aon de **dhà** de na buidhnean a leanas.

Buidheann 1: Cànan agus Litreachas – Aon Aonad a-mhàin				
Raon cuspaireil	Còd Aonaid	Tìotal an Aonaid	Puingean creideis SCQF	Ìre SCQF
Beurla	H6SA 72	Beurla agus Conaltradh: Tuigsinn Cànan le co-theacs Albannach (Nàiseanta 2)	6	2
	H6SJ 72	Beurla agus Conaltradh: Èisteachd agus Labhairt le co-theacs Albannach (Nàiseanta 2)	6	2
	H6SK 72	Beurla agus Conaltradh: Cruthachadh Theacsan le co-theacs Albannach (Nàiseanta 2)	6	2

<b>Gàidhlig/ Luchd- ionnsachaidh na Gàidhlig</b>	H6RW 72	Gàidhlig: Tuigsinn Cànan (Nàiseanta 2)	6	2
	H6RY 72	Gàidhlig: Èisteachd agus Labhairt (Nàiseanta 2)	6	2
	H6RX 72	Gàidhlig: Cruthachadh Theacsan (Nàiseanta 2)	6	2
	H6DT 72	Gàidhlig (Luchd-ionnsachaidh): Beatha ann an Coimhearsnachd Ghàidhlig (National 2)	6	2
	H6DV 72	Gàidhlig (Luchd-ionnsachaidh): Cànan Pearsanta (Nàiseanta 2)	6	2
	H6DW 72	Gàidhlig (Luchd-ionnsachaidh): Cànan Tar-ghnìomhach (Nàiseanta 2)	6	2
	H6DX 72	Gàidhlig (Luchd-ionnsachaidh): Cànan san Obair (Nàiseanta 2)	6	2
<b>Buidheann 2: Comann-sòisealta agus Àrainneachd – Aon Aonad a- mhàin</b>				
<b>Gnothachas</b>	H6SL 72	Gnothachas Practaigeach: Gabhail Pàirt ann an Iomairt Gnothachais le Co-theacs Albannach (Nàiseanta 2)	6	2
<b>Cuspairean Sòisealta</b>	H6SM 72	Cuspairean Sòisealta: Tighinn gu Co-dhùnadh le Co-theacs Albannach (Nàiseanta 2)	6	2
	H6SN 72	Cuspairean Sòisealta: Dèanamh Iomsgaradh le Co-theacs Albannach (Nàiseanta 2)	6	2
	H6SP 72	Cuspairean Sòisealta: Eagrachadh agus Conaltradh Fiosrachaidh le Co-theacs Albannach (Nàiseanta 2)	6	2
<b>Buidheann 3: Ealain agus Cultar – Aon Aonad a- mhàin</b>				
<b>Ealain Chruthachail</b>	H6SV 72	Leasachadh Sgilean anns na h-Ealain Chruthachail le Co- theacs Albannach (Nàiseanta 2)	6	2
	H6SR 72	Ag Obair le Iomhaighean, Grafaigean agus Fuaim le Co- theacs Albannach (Nàiseanta 2)	6	2
	H6SS 72	Ag Obair le Aodach le Co-theacs Albannach (Nàiseanta 2)	6	2
	H6ST 72	Cruthachadh Stuthan airson Taisbeanadh le Co-theacs Albannach (Nàiseanta 2)	6	2
<b>Ealain Ghniomhach</b>	H6SW 72	Cur Tachartas Gnìomhachaidh le Co-theacs Albannach (Nàiseanta 2)	6	2
<b>A' Phìob Mhòr</b>	F7NT 08	Teòiridh na Pìoba Mòire: Seannsair Cleachdaidh (Ruigheachd 2)	6	2

## Measadh

Feumaidh luchd-ionnsachaidh uile cothrom fhaotainn air fianais a ghineadh airson *Builean* agus *Slatan-tomhais Measaidh* don Aonad àithnteil *Eòlas na h-Alba: Ag Ionnsachadh mu Alba (SCQF ìre 2)*.

Bidh nàdar a' mheasaidh airson Aonadan roghnach an crochadh air na h-Aonadan a tha air an taghadh bho fhrèam na Duaise. Bu chòir do Mheasadh cothrom a thoirt do luchd-ionnsachaidh fianais air coileanadh a nochdadh airson *Builean* agus *Slatan-tomhais Measaidh* don dà Aonad roghnach.

Faodar fianais a thaisbeanadh ann an cruth sam bith a tha iomchaidh do na h-Aonadan a tha air an taghadh agus don neach-ionnsachaidh. Dh'fhaodadh an fhianais seo a bhith air bunait pàipeir no clàraichte (labhairte, lèirsinneach no eileagtronaigeach). Bu chòir do fhianais a thaobh gnìomhachadh no toradh a bhith le taic bho liostaichean-sgrùdaidh measadair agus/no ceistean labhairte agus clàran measadair de fhreagairtean an luchd-ionnsachaidh. Faodaidh luchd-ionnsachaidh cuideachd fianais a sholarachadh tro chlàraidhean èisteachd, bhideothan-latha, blogaichean no dòigh eileagtronaigeach eile.

Tha na Riatanasan Fianais sònraichte do na h-Aonadan uile san fhrèam rin lorg anns na Sònrachaidhean Aonaid buntainneach.

# Sgilean-ionnsachaidh, sgilean-beatha agus sgilean-obrach

Thathar a' sùileachadh gun leasaich luchd-ionnsachaidh sgilean leathan coitcheann tron Duais seo. Tha na sgilean a thathar a' dùileachadh do luchd-ionnsachaidh a neartachadh agus a leasachadh tron Duais seo stèidhichte air *Frèam Sgilean: Sgilean airson Ionnsachadh, Sgilean don Bheatha agus Sgilean don Obair* aig SQA, agus air an tarraing bho na prìomh raointean sgilean a tha air an liosta gu h-ìosal. Faodaidh iad sin a bhith air an togail a-steach don Duais far a bheil cothroman freagarrach.

## 3 Slàinte agus Sunnd

### 3.1 Ionnsachadh Pearsanta

## 4 So-fhastachd, iomairt agus saoranachd

### 4.6 Saoranachd

## 5. Sgilean Smaoineachaidh

### 5.2 Tuigsinn

Tha tuilleadh fiosrachaidh mu na sgilean sin ri fhaotainn ann am *Frèam Sgilean: Sgilean airson Ionnsachadh, Sgilean don Bheatha agus Sgilean don Obair* aig SQA. Bu chòir ìre nan sgilean sin a bhith aig an aon ìre ri ìre SCQF den Duais agus a bhith cunbhalach le tuairisgeulaiche ìre SCQF. Tha tuilleadh fiosrachaidh mu neartachadh sgilean airson ionnsachadh, sgilean don bheatha agus sgilean don obair, rin lorg ann an *Notaichean Taic Duais Eòlais na h-Alba (SCQF ìre 2)*.



# Fiosrachadh rianachdail

---

Sàr-chlas: ri chur an cèill (dreach 1.0)

---

## Eachdraidh atharrachaidhean air an t-Sònrachadh Duaise

Fiosrachadh mun duais	Tionndadh	Tuairisgeul air atharrachadh	Air a cheadachadh le	Ceann-latha

Faodar an sònrachadh seo amhlachadh gu h-iomlan no gu ìre air adhbharan foghlaim fhad is nach tig prothaid sam bith às an amhlachadh agus, ma thèid amhlachadh gu ìre, gun tèid an tùs aithneachadh. Faodar copaidhean a bharrachd den Aonad seo a luchdachadh a-nuas bho làrach-lìn ÙTA [www.sqa.org.uk](http://www.sqa.org.uk).

Thoiribh fa-near: Thathar a' moladh gun seall sibh air làrach-lìn ÙTA [www.sqa.org.uk](http://www.sqa.org.uk) gus a dhèanamh cinnteach gu bheil sibh a' cleachdadh an tionndaidh as ùire de Shoònrachadh an Aonaid.

© Ùghdarras Theisteanasan na h-Alba 2014